


HO QALA KGWEBO: DIKOTA TSE TSAMAIKWANG KA SESEBEDISWA SA MABIDI

Mareo a hlalosa ha bonolo kerafong



Ena ke pale ya Palesa le kgwebo ya hae ya Dikota. Palesa o hloka ho iketsetsa tjelele. Tjelele eo a e bolokang e ke ke ya nka nako e telele. Motsaneng oo ke dulang ho ona, batho ba ne ba tshaba ho tswa ba ilo reka dijo ka nako ya lockdown. Ka hoo, a ba le mohopolo o itseng! Ke ka baka lang a sa qale kgwebo ya hae ya ho tsamaisa Dikota. Pele a ka qala, o ile a etsa morero o itseng.

Kerafo ya Lekenole Ditshenyehelo



Lekeno

Tjelele e leshwang kgwebong kapa ho motho bakeng sa dihlahiswa le ditshebetso tsa bona.


Mohlala, tjelele eo Palesa a e fumanang bakeng sa Dikota le ho di tsamaisa.

Ditshenyehelo

Tjelele e tla sebediswa ho tsamaisa kgwebo le ho etsa ekasitana le ho isa sehlahiswa kapa tshebetso.

Mohlala, tjelele eo Palesa a e sebedisang ka data, sanithaeza, ho hira kitjhini le ho reka metswako bakeng sa Dikota, tsena tsohle ke ditshenyehelo.

Kerafo ya mefuta ya Ditshenyehelo



Ditshenyehelo tse sa fetoheng

Le ha Palesa a etsa Dikota tse ngata, ditshenyehelo tsena di dula di tshwana. Tsena ke ditshenyehelo tse ke keng tsa tjhentjha ha bonolo mme hangata di leshwa kgafetsa, jwalo ka beke le beke, kgwedi le kgwedi, kapa selemo le selemo.


Bakeng sa Palesa, ditshenyehelo tsa hae tse sa fetoheng ke sanithaeza le data, tse bitsang R250. Ho sa natswe hore ke Dikota tse kae tseo a di etsang, ditshenyehelo tsena di dula di tshwana, jwalo ka ha ho bontshitswe kerafong.

Ditshenyehelo tse fetohang

Ditshenyehelo tse fetohang di tjhentjha ha Palesa a etsa Dikota tse ngata.

Ho etsa Dikota tse 10 o hloka metswako e ka bitsang R140. Ha a etsa Dikota tse ngata o tla tshwanela ho reka metswako e mengata. Ha a etsa Dikota tse ngata o tla hloka metswako e mengata eo a tla e reka, ho bolelang hore ditshenyehelo tsa hae tse fetohang di a nyoloha.

Kerafo ya Lekenole Ditshenyehelo le Lekeno ntsha Ditshenyehelo



Tahlehelo

Ha ditshenyehelo tsa ho etsa palo e itseng ya dintho di le hodimo ho lekeno le fumanwang ka ho rekisa palo ya dintho tseo.

Ntlha ya tekano

Mona ke ha ho se na phaello kapa tahlehelo e entsweng.

Ha re sebedisa kgwebo ya Palesa jwalo ka mohlala – ntlha ya tekano ke ha ditjeho tsa ho tsamaisa kgwebo le ditjeho tsa metswako di lekana le lekeno, leo a le etsang ha a rekisa Dikota.

Phaello

Ha ditshenyehelo tsa ho etsa palo e itseng ya dintho di le ka tlase ho lekeno le fumanwang ka ho rekisa palo ya dintho tseo.

Palesa o etsa phaello ha a etsa tjelele e ngata ho feta eo a e sebedisitseng ho tsamaisa kgwebo.

